



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Libertatibvs Ecclesiæ Gallicanæ

Charlas, Antoine

Leodii, 1684

Cap. X. De speciali Ecclesiæ Gallicanæ Codice.

urn:nbn:de:hbz:466:1-38227

C A P U T X.

De speciali Ecclesiae Gallicanæ Codice.

1. Ecclesiae Gallicanæ Antistites Canonice discipline studiosos, non solum Ecclesiae universæ, sed & proprios Canones, vel in eodem, vel in diversis Codicibus collegisse mihi facile persuaserim, sed an fuerit determinatus aliquis Codex, in quo inessent omnes regulæ Canonice, quas sequi nemo non teneretur, & extra quem nulla esset, ad quam Galli adstringerentur, non ita compertum est.

2. Habuit etiam Ecclesia Gallicana, inquit Christophorus Justelius in præfat. ad Codicem Canonum Ecclesiae universæ, præter Codicem universalem quamdam suarum Synodorum collectionem, Gallicanorum Canonum nomine receptam, quorum meminunt Hormisda, Papa apud Gratianum his verbis; secundum titulos antiquorum Patrum sancto Spiritu suggeste conscriptos, & secundam sententias 318. Episcoporum (hoc est Nicanos Canones) quas etiam Gallicani Canones continere videntur, Clerici in adulterio deprehensi, aut ipsi confessi, aut ab aliis convicti ad honorem redire non possunt.

3. Affirmat item Carolus Fevret lib. 1. cap. 4. num. 19. ultra Codicem Canonicum (sic ille vocat collectionem Dionysii Exigui) Ecclesiam Gallicanam proprium suum Codicem habuisse, Gallicanorum Canonum nuncupatum; cumque approbatum fuisse ab Ecclesia Romana Can. si quis Diaconus dist. 50.

4. Continebat autem Codex ille Canones in Gallia editos, sive à Conciliis Nationalibus, sive à Provincialibus, ut assertit Dominus de Marca lib. 6. cap. 21. num. 7. his verbis; *Forum Canonum collectio siebat, qui conditi erant ab universa Ecclesia Gallica, vel à quadam ejus portione, sive in Regno Visigotorum, Burgundiorum, aut Francorum, sive etiam in Provincia Gallica, Regni Italia, in qua habite fuere Synodi Aranisca, & alie quedam Provincialiæ: hiq; Canones recipiebantur ab Episcopis aliarum Provincialium, consecrata collectione sub nomine Gallicanorum Canonum.*

5. Jacobus Sirmondus in præfatione ad Concilia Galliæ probat

30 DE NATVRA, ORIGINE, AC PROGRESSV,
probat ex varietate collectionum nullam fuisse authenticam,
& approbatam: In tanta, inquit, Synodalium voluminum copia, qui-
bus abundat Gallia, vix ullum reperire sit, in quo eadem, qua in ceteris, mul-
lum, in quo Synodi Gallicane veteres universa contineantur, ut facilis inde con-
jectura sit, NULLAM OLIM CERTAM, ET RECEPТАM SYNO-
DORVM NOSTRARVM COLLECTIONEM, NULLVM GAL-
LICANORVM CANONVM CORPV FVISSE. Idem paulo infe-
rius repetit.

6. Agobardus, qui vivebat paulo ante medium noni sæcu-
li lib. de dispensat. Eccles. & epist. ad Imperatores de duello,
antiquos Romanos asserit veneratos Canones Gallicanos;
Neotericos autem eos non commendasse; hoc accedit, inquit,
alio de Canibus, scilicet Gallicis, qui quasi superstai, aut inutiles, à
quibusdam respiciuntur, eo quod Neoterici Romani eos non commendaverint, cum
antiqui religiosè eos venerati sint. Cæterum Codicis alicujus, vel
collectionis non meminit.

7. Verba etiam Can. si quis Diaconus quæ refert Justellus, &
citat Fevrettus Codicis alicujus mentionem non faciunt, sed
tantum Canonum Gallicanorum, nec aliud significant, nisi
Canones Concilii Nicæni, cui 318. Episcopi interfuerant,
ab Episcopis Gallicanis receptos fuisse in deponendis Clericis
in adulterio reprehensis, non autem approbatum fuisse aliquem Codicem, vel ullam Canonum collectionem. Jacobus
Sirmundus, & Philippus Labbeus Canonem illum aliter re-
ferunt, his scilicet verbis. Manifestissimè constat, quia secundum quod
& tituli antiquorum Patrum à S. Joanne transmissi, & 318. Episcoporum
sententia, sed & CANONES GALLICANI continere videntur, Clericis
adulterio reprehensi, &c. Quæ verba animadvertisit Sirmundus non ab
aliquo Pontifice, sed à S. Cæsario Arelateni Archiepiscopo
prolata esse, occasione contumeliosi Episcopi Regiensis, quem
Pontifex ille deponendum decreverat. Sane Hormisdæ, cum
eius tempore nullus extiterit Papa nomine Joannes, falsò à
Gratiano adscribuntur. Licet autem hæc verba. CANONES GALLI-
CANI Codicem aliquem, seu collectionem indicarent, non
continerent tamen aliquam Ecclesiæ Romanæ approbationem.

8. Porro fuerit necne Codex aliquis, seu Collectio Cano-
num Gallicanorum, & an fuerit approbatus ab Ecclesia Ro-
mana,

manæ , scire parùm juvaret , cùm amplius non exet , & quibus Canonibus constiterit , ignoremus , ut fatetur Pascha-
fius Quesnel disert. 16. cap. 15. Itaque non à Codice aliquo
ab Ecclesia Romana approbato vim habent Canones Gallica-
ni , sed à Conciliis in quibus conditi sunt , ab usu , & utili-
tate , & si quæ sunt aliæ rationes.

9. Qua autem , quantaque sit illa vis rectè determinant
Autores Galli , dum illos quidem Canones , ceu regulas ha-
bent eò sibi religiosius observandas , quòd , & à Sanctissimis
Pastoribus , ac in Christo parentibus , sibi propositæ sint , &
specialiter illius Regni moribus , & negotiis accommodatae , &
tamen Canonibus Ecclesiæ Romanæ postponunt. Ità cum
Agobardus antiquos Romanos Canones Gallicanos in vene-
ratione fuisse præmisisset , & causam subjunxit : *QVO-
NIAM VENERANDI , ET SANCTI VIRI EOS EDIDERUNT ,
QVORVM VITAM , ET SANCTITATEM CREBRA MIRACULA
COMMENDARUNT.* Addit paulò inferius ; *Neque hoc idcirco dicitur , ut paßim omnium Episcopatum Conventuum sanctiones aequali autoritate
recipienda credantur , ut Nicæni , Calcedonensis , & ceterorum Generalium ex-
tatis mundi consensu congregatorum , & receptorum , sed quia congrua vene-
ratione pro causis necessariis , quarum definitiones in illis generalibus non inven-
niuntur , fides sit eis adhibenda religione debitâ , & melius sit unicuique ,
EORVM SEQVI AVTORITATEM , QVAM PROPRIVM SEN-
SVM.* Agobardus ad Ludovicum Imperatorem de impietate
duelli. Idem in opusc. de dispensatione , ministerio , & ordi-
ne totius rei Ecclesiasticæ.

10. Idem profitetur Dominus de Marca loco citato , his
verbis ; *Quoniam verò ut docuit Augustinus Concilia Provinciarum plenario-
rum Conciliorum autoritati , que sunt ex universo orbe Christiano , sine ullis
ambagibus cedant , Canones Gallicani in iis causis obtinent , que Canonibus anti-
quis definita non sunt.*

11. Hanc esse mentem totius Ecclesiæ Gallicanæ testis est
Fevrettus loco etiam supra cit. num. 20. „Ecclesia Gallica-
na , inquit Codici suo speciali Gallicanorum Canonum non
tantam tribuebat autoritatem , quantam Canonibus Codici
ce Ecclesiæ Romanæ contentis.“

12. Venerandi sunt igitur antiqui Ecclesiæ Gallicanæ Ca-
nones. Primo propter Antistitutum , à quibus editi sunt , me-
rita.

32 DE NATVRA, ORIGINE, AC PROGRESSV,
rita. 2. Quia illuc recurrere necesse est, cùm Ecclesia Ro-
mana, vel universalis regulas non subministrant, quibus spe-
cialia negotia definiri queant. 3. Ut eadem sit ejusdem Regni
Canonica disciplina, sicut eadem sunt leges civiles. Non
sunt tamen universalium Conciliorum, aut summorum Pon-
tificum Decretis anteponendi, vel etiam exequandi; Mul-
tò minus prætextu libertatis opponendi.

C A P U T X I.

De Capitularibus Regum Franciæ.

1. IN eam rerum omnium & Ecclesiasticarum, & Civi-
tatum perturbationem, & confusionem inciderat Gallia
sub finem septimi saeculi, ac principio octavi, ut Religio om-
nis obliteranda videretur, nisi Clodovei posteritati, à radi-
ce degeneri substituta Caroli Martelli familia, Ecclesie in co-
Regno ferè collapsæ succurisset, quod tūm ex alis monu-
mentis addiscinuit, tūm ex Epistola S. Bonifacii ad Zacha-
riam Papam, cuius secundus articulus sic habet: *Notum simi-
liter sit Paternitatē vestra quod Carlomannus Dux Francorum me accepitum ad
se rogavit in parte Regni Francorum, que in sua est potestate, Synodus inci-
pere congregare, & promisit se de Ecclesiastice Religione, que jam longo tem-
pore, id est non minus quam per 60. aut 70. annos, calcata, aut dissipata
fuit atiquid corriger, & emendare velle. Quia propter si hoc, Deo inspirante,
veraciter adimplere voluerit, consilium, & PRÆCEPTVM SANCTA
VESTRA AVTORITATIS, ID EST APOSTOLICÆ SEDIS HA-
BERE, ET SAPERE DEBEO. Franci enim, ut seniores dicunt, plus-
quam per tempus 80. annorum Synodus non fecerunt, nec Archiepiscopum ha-
buerunt, nec Ecclesie Canonica jura fundabant, vel renovabant. Modo autem
maxima ex parte per Civitates, Episcopales sedes tradite sunt laicis cupidis ad
possidendum, vel adulteratis Clericis, scismaticis, & Publicanis seculariter
ad perfundendum. Nam si per verbum vestrum, aut negotium Duce rogante
supradicto, movere, & incipere debo, PRÆCEPTVM, ET IUDICIVM
APOSTOLICÆ SEDIS cum Canonibus Ecclesiasticis presto habere cupio.
Consensit libentissimè Zacharias tām justæ Carlomanni peti-
tioni, ut illius Pontificis literæ responsoræ declarant.*

2. Eo-